

Leiðbeiningar vegna umsókna um starfsheitið tæknifræðingur

(Ath. unnið er að endurskoðun reglnanna en eftirfarandi var í gildi við sameiningu VFÍ og TFÍ 1.1.2017)

1. grein

Sá, sem óskar leyfis ráðherra til að kalla sig tæknifræðing skv. lögum nr. 8/1996, snýr sér til skrifstofu félagsins eða til lðnaðarráðuneytisins og aflar sér þar upplýsinga um kröfur þær, sem TFÍ gerir til menntunar tæknifræðinga.

Væntanlegum umsækjanda skal gert ljóst, að viðkomandi beri sú skylda að veita TFÍ hver þau gögn, sem það telur nauðsynleg til staðfestingar á menntun umskæjanda. Sönnunarbyrði þar að lútandi hvílir öll á umsækjanda.

2. grein

Telji viðkomandi sig uppfylla menntunarkröfur TFÍ til tæknifræðingstítils, fyllir umsækjandi út sérstakt umsóknareyðublað og leggur fram gögn með umsókn sinni. Gögn þessi skulu veita sem gleggstar upplýsingar um þau atriði, sem við eiga sbr. 5. grein hér á eftir. Frekari gagna kann að verða óskað.

3. grein

Framkvæmdastjóri félagsins sendir Menntunarnefnd TFÍ til umsagnar allar umsóknir um tæknifræðingstítlinn.

4. grein

Menntunarnefnd leggur hlutlaust mat á umsóknir þær, sem henni berast. Hafi umsækjandi bein eða óbein samskipti við nefndarmenn varðandi umsókn sína meðan á afgreiðslu hennar stendur, fyrirgerir umsækjandi hlutleysi nefndarinnar.

5. grein

Mat menntunarnefndar TFÍ byggist á kröfum félagsins til menntunar umsækjenda. Menntunarnefnd skal mæla með því við stjórn TFÍ að umsækjandi fái leyfi ráðherra til að kalla sig tæknifræðing ef eftirfarandi skilyrðum er fullnægt:

Lokið er með prófgráðu námi, sem hefur verið stundað í tæknifræði við menntastofnun sem menntunarnefnd telur færan (færa) um að veita fullnægjandi menntun á viðkomandi sérsviði. Prófgráðan skal að námslengd og samsetningu náms uppfylla lágmarkskröfur TFÍ (hver eining svarar til einnar viku í fulllu námi):

a)	Undirstöðugreinar tæknifræðinnar	21e (42 ECTS)
b)	Tæknifræðilegar undirstöðugreinar	20e (40 ECTS)
c)	Tæknifræðigreinar	41e (82 ECTS)

